

Pelajar universiti, kolej bantu mangsa banjir

JITRA: Sekumpulan 120 pelajar Universiti Utara Malaysia (UUM) dan Universiti Sains Islam Malaysia (USIM) menyertai program sukarelawan membantu mangsa banjir di Taman Tabung Haji di sini, semalam.

Timbalan Naib Canselor (Hal Ehwal Pelajar) UUM, Datuk Ahmad Faiz Hamid, berkata program khas peringkat Majlis Kesukarelawan Universiti-Universiti Malaysia (MASKUM) itu bertujuan menerapkan melalui aktiviti kemasyarakatan.

Selain UUM dan USIM, katanya, program kali ini turut disertai Universiti Kebangsaan Malaysia (UKM) dan Universiti Islam Antarabangsa (UIA) yang sama-sama mengemblem tenaga membersihkan rumah mangsa banjir di sekitar negeri ini yang ter-

babit dengan bencana itu.

"Program ini beri perseediaan kepada mereka sebelum menamatkan pengajian masing-masing," katanya di sini.

Di ALOR SETAR, 70 pelajar Kolej Poly-Tech Mara (KPTM) Cawangan Alor Setar menyerta bergotong-royong membersihkan rumah mangsa di tiga kampung di sekitar Anak Bukit.

Program anjuran bersama Biro Ekonomi Pemuda UMNO (BePU) dan KPTM itu, diadakan di Kampung Padang, Pekan Anak Bukit dan Alor Gunung membabitkan hampir 50 rumah.

Turut serta 30 Pemuda UMNO Bahagian Kuala Kedah dan Alor Setar. Hadir sama Pengerusi KPTM yang juga Pengerusi BePU, Datuk Sohaimi Shahadan.



PELAJAR UUM, Rositah Ismail (kiri) dan Hasni Lamide mencuci pinggan mangkuk yang berlumpur akibat banjir di Taman Tabung Haji, Jitra, semalam.